

萬有文庫

第二集七百種

王雲五主編

讀史方輿紀要

(六十二)

顧祖禹輯著

商務印書館發行

讀史方輿紀要

(六十二)

顧祖禹輯著

江苏工业学院图书馆
藏书章

萬有文庫

第二集七百種

總編輯者
王雲五

商務印書館發行

湖廣方輿紀要序

湖廣之形勝。在武昌乎。在襄陽乎。抑在荊州乎。曰。以天下言之。則重在襄陽。以東南言之。則重在武昌。以湖廣言之。則重在荊州。何言乎重在荊州也。夫荊州者。全楚之中也。北有襄陽之蔽。西有夷陵之防。東有武昌之援。楚人都郢而強。及鄢郢亡。而國無以立矣。故曰重在荊州也。何言乎重在武昌也。夫武昌者。東南得之而存。失之而亡者也。漢置江夏郡。治沙羨。劉表鎮荊州。以江漢之衝。恐爲吳人侵軼。於是增兵置戍。使黃祖守之。孫策破黃祖於沙羨。而霸基始立。孫權知東南形勝。必在上流也。於是城夏口。都武昌。武昌則今縣也。而夏口則今日之武昌也。繼孫氏而起者。大都不能改孫氏之轍矣。故曰重在武昌也。何言乎重在襄陽也。夫襄陽者。天下之腰膂也。中原有之。可以併東南。東南得之。亦可以圖西北者也。故曰重在襄陽也。請得而備言之。從來善用荊州者。莫如楚。楚都於郢。而其爭中原也。則在方城漢水之外。是今日襄陽以北地矣。西則以黔中。巫郡。隔礙秦雍。控扼巴蜀。非今日歸州。夷陵。諸境乎。東則越冥阨以迫陳蔡。由夏州來。符離。以通江淮。非今日武昌。黃蘗之郊乎。是則全楚之形勝。莫過於荊州也。若夫用武昌者。則莫備於江東。孫氏都武昌。非不知其危險。堵确。僅恃一水之限也。以江夏迫臨江漢。形勢險露。特設

重鎮。以爲外拒。而武昌退處於後。可從容而圖應援耳。名爲都武昌。實以保江夏也。未有江夏破而武昌可無事者。晉人伐吳。分遣一軍出夏口。一軍出武昌。此亦第徇吳人陪都之名。而未權其實也。東晉因之。而武昌與夏口並重。陶侃領荊州。則鎮武昌。庾翼領荊州。則鎮夏口。劉裕締造之初。亦嘗以江沔未靖。移荊州治夏口。迨孝武時。則增置郢州治焉。郢州治而武昌乃歸重於夏口矣。蓋郢州者。所以分荆襄之勝。而壓荆襄之口者也。自此荆襄多事。郢州實首當其鋒。沈攸之以江陵發難。不能下郢州。不旋踵而敗亡。蕭衍自襄陽而下。則必爭郢州。王僧辨自荊州而下。則先入郢州。隋人以夏首爲陳氏之要衝。唐人以鄂州爲江漢之重鎮。皆昔郢州也。及南宋之衰也。襄樊陷。兩郢傾。而鄂州之防急。以伯顏之強狡。不敢輕犯鄂州者。誠畏其險也。及取鄂州。而東南遂不支矣。是上流之形勝。誠莫切於武昌也。若夫襄陽者。西晉用之。則以亡吳。蒙古用之。則以亡宋。次則西魏用之。亦以亡梁。苻堅之陷襄陽也。不知襄陽之可以覆晉也。西魏之擅襄陽也。不知亡梁之資。卽覆陳之本也。間嘗謂南國之周瑜。有用襄陽之志。而無其年。關壯繆有用襄陽之勢。而無其智。庾翼有用襄陽之識。而無其力。桓溫有用襄陽之力。而無其誠。南宋諸君子。有用襄陽之言。而無其事。於岳武穆。可謂聞其語矣。見其人矣。而又廢於讒賊。然則千百年來。北人以襄陽并東南者有之矣。南人未有以襄陽而清關洛者也。要以襄陽爲天下之要膺。則自若矣。客曰。予聞之。武

昌、水要也。荊州、路要也。襄陽、險要也。今由子之言，益信三郡之於楚如鼎足。然殆未容以優劣視歟。余曰：三要之說，亦未盡然。子遂因之，而以三郡並較也。襄陽殆非武昌、荊州比也。吳人之夏口，不能敵晉之襄陽。齊人之郢州，不能敵蕭衍之襄陽。宋人之鄂州，不能敵蒙古之襄陽矣。昔人亦言荊州不足以制襄陽，而襄陽不難於併江陵也。三國爭荊州，吳人不能得襄陽，引江陵之兵以攻魏，輒破於襄陽之下。梁元帝都江陵而仇襄陽，襄陽挾魏兵以來，而江陵之亡忽焉。魏人與蕭管以江陵而易其襄陽，亦謂得襄陽而江陵之存亡，我制之也。五代時，高氏保江陵，賴中原多故，稱臣諸國，以延歲月。宋師一逾襄陽，而國不可立矣。蒙古既陷襄陽，不攻江陵而攻兩郢也，亦以江陵不足爲我難也。噫，孫氏有夏口，有江陵，而獨不得襄陽，故不能越漢江尺寸地。晉人有襄陽矣，乃謂漢水之險不及大江，甚且輕戍江北，重戍江南，何其無志於中原也。幸而是時北人無能用襄陽者耳。彼襄陽者，進之可以圖西北，退之猶足以固東南者也。有襄陽而不守，敵人踰險而南，漢江上下，罅隙至多，出沒縱橫，無後顧之患矣。觀宋之末造，孟珙復襄陽於破亡之餘，猶足以抗衡強敵，及其一失，而宋祚隨之，卽謂東南以襄陽存，以襄陽亡，亦無不可也。客曰：然則國家省會之設，何以不於襄陽，而於武昌？余曰：此亦因已然之跡，未究其本耳。漢都長安，而荊州首列南郡，晉都洛陽，荊州先治襄陽。平吳之後，改治江陵，唐都長安，而十道之設，山南道則治荊州，開元改置。

則山南東道治襄陽。宋都汴梁。分湖南北爲兩路。治江陵、長沙。後復增置京西南路治襄陽。蓋天下之形勢。視建都者爲推移。藩屏之疎密。視建都之向背何如耳。六朝、南宋。以中原旣失。僻在東南。武昌不得不爲重地。元起於北方。去東南最遠。當伯顏之破襄郢而東也。宋人舉國以爭鄂州矣。伯顏於是多方以圖之。旣得鄂州。周覽山川。以爲江南要地。亟請城之。爲規取江南基本。其後因之而行省建矣。僞漢逋逃。據爲窟穴。太祖克之。仍爲司治。蓋旣已定鼎金陵。當混一之時。而未忘東南之慮。從金陵而論武昌。王述所云一有緩急。駿奔不難者也。燕都卜宅以後。亦惟成憲是遵。又何改焉。所謂因已然之迹。而未究其本者。此也。客曰。然則襄陽可以爲省會乎。曰。奚爲不可。自昔言粗中之地。爲天下膏腴。誠引潁洧之地。通楊口之道。屯田積粟。鞠旅陳師。天下有變。隨而應之。所謂上可以通關陝。中可以向許洛。下可以通山東者。無如襄陽。由武昌而北。非不足以叩三關。動申蔡。然而取道紆迴。不如襄陽之徑且易也。客又曰。建國於東南。襄陽亦可以爲省會乎。曰。東晉時。已僑置雍州於此矣。昔人謂東南可以問中原者。莫如襄陽。晉之桓溫。宋之隨王誕。齊之曹虎。陳顯達。遠之戰於河洛之間。近之爭於穰鄧之際。惟其有襄陽也。西魏因蕭督以取襄陽。而東南之勢。遂折而入於北。襄陽在東南。不後於武昌也。然酌其中。當設省會於武昌。而建帥府於襄陽。以全楚之資力。供襄陽之指揮。荊州引黔粵之儲。西陵通巴渝之蓄。而武昌集吳會之漕。以持

襄陵之後。數千里間。呼吸可通。見敵之隙。必速乘之。吾知天下之勢。且在東南矣。彼武昌者。自守或有餘。攻取或不足。且夫陽邏既下。而道出武昌之東門。嘉魚可來。而敵在武昌之南渚。漢口之重兵。吾虞其未可專恃矣。至於夷陵險要。自古所推。而施州山川環結。土田蕃衍。隋唐以來。皆爲郡縣。今等之於要荒矣。竊謂夷陵建郡。而以施州屬之。增置屬邑。南北相麗。既以通楚蜀之援。亦以厚巴夔之勢。或亦圖國者所當計及歟。

讀史方輿紀要

卷七十五

湖廣一

禹貢荆及衡陽惟荊州。

荆山見襄陽府南漳縣。

周禮職方正南曰荊州。

爾雅漢南曰荊州。應劭曰：荆強也。言其氣躁勁。或取名於荆山焉。又詩人所謂蠻荆也。

春秋至戰

國並爲楚地。其在天文翼軫則楚分野。秦併天下置南郡、黔中、長沙等郡。漢武置十三州。此亦爲荊州。

其五

漢地自漢以後歷代開拓。

後漢因之。

初治武陵郡漢壽縣。今常德府廢縣也。後治南郡。即今荊州府。

三國初分有其地。

北境屬魏。西境屬漢。東境南境屬吳。

其後蜀漢之地爲吳所

并。晉亦置荊州。

初治襄陽。平吳後理南郡。東晉初治武昌。其後遷徙不一。太元中王忱治江陵。自後不復移改。

宋分置荊州。

治南郡。

郢州。

孝建二年分荆、湘、江、豫州之八郡置。治江夏。

雍州。

治襄陽。 湘州。治長沙。

齊並因之。梁陳分割滋多。不可殫析。

陳時自江以北。初屬周。後屬隋。

隋煬帝亦置荊州。而不詳所統。大業

末爲蕭銑所據。唐平之分屬山南。

今安陸、荊州、襄陽、鄖陽之境俱屬山南道。

淮南。

今黃州、德安、漢陽之境俱屬淮南道。

江南。

今武昌、岳州、常德、長沙、衡州、永州、寶慶、辰州、郴州及施州、衛等境並

屬江南道詳見州

等道開元中又分置山南東

治襄陽而常德府及岳州府之澧州亦隸焉

江南西

治豫章而武昌岳州長沙以南皆隸焉

黔中治今四川彭水縣而

辰州府靖州及施

諸道後爲荆南湖南南唐所據宋初爲湖南

治潭州

湖北

治江陵府

及京西路

今安陸襄陽鄖陽及德安之隨州皆屬京西路

而黃州府則

後又增置京西南路

治襄陽

元始置湖廣等處行中書省

治武昌

後爲陳友諒所據明初平之仍置

屬淮南路

行省洪武九年改置湖廣等處承宣布政使司領府十五直隸州二屬州十四屬縣一百有八

總爲里三千四百八十有

奇夏秋二稅約二百二十萬石有奇

而衛所參列其中今仍爲湖廣布政使司

武昌府屬州一縣九

江夏縣附郭武昌縣

嘉魚縣

蒲圻縣

咸寧縣

崇陽縣

通城縣

興國州

大冶縣

通山縣

漢陽府屬縣二

漢陽縣附郭 漢川縣

黃州府屬州一縣八

黃岡縣附郭 麻城縣

黃陂縣

黃安縣

蘄水縣

羅田縣

蘄州

廣濟縣 黃梅縣

承天府屬州二縣五
今改安陸府

鍾祥縣附郭 東山縣

潛江縣

荊門州

當陽縣

沔陽州

景陵縣

德安府屬州一縣五

安陸縣 附郭 雲夢縣

應城縣 孝感縣

隨州

應山縣

岳州府 屬州一縣七

巴陵縣 附郭 臨湘縣

華容縣 平江縣

澧州

安鄉縣 石門縣

慈利縣 永定、九谿、諸衛所附見

荊州府 屬州二縣十一

江陵縣 附郭 公安縣

石首縣 監利縣 松滋縣 枝江縣

夷陵州

長陽縣 宜都縣

遠安縣

歸州

興山縣 巴東縣

襄陽府 屬州一 縣六

襄陽縣 附郭 宜城縣

南漳縣

棗陽縣

穀城縣

光化縣

均州

鄖陽府 屬縣七

鄖縣 附郭

房縣

竹山縣

竹谿縣

上津縣 今省

鄖西縣

保康縣

長沙府 屬州一 縣十一

長沙縣 附郭 善化縣 附郭

湘陰縣

湘潭縣

瀏陽縣

醴陵縣

寧鄉縣 湘鄉縣

攸縣

安化縣

益陽縣

茶陵州

常德府 屬縣四

武陵縣

桃源縣

龍陽縣

沅江縣

衡州府 屬州一 縣八

衡陽縣 附郭 衡山縣

耒陽縣

常寧縣

安仁縣

酃縣

桂陽州

臨武縣 藍山縣

永州府 屬州一 縣六

零陵縣 附郭 祁陽縣

東安縣

道州

寧遠縣 江華縣

永明縣

寶慶府 屬州一 縣四

邵陽縣 附郭 新化縣

城步縣

武岡州

新寧縣

辰州府 屬州一 縣六

沅陵縣附郭

盧溪縣

辰溪縣

溆浦縣

沅州

黔陽縣

麻陽縣

鎮溪所
附見

直隸郴州屬縣五

永興縣

宜章縣

興寧縣

桂陽縣

桂東縣

直隸靖州屬縣四

會同縣

通道縣

綏寧縣

天柱縣

施州軍民府

大田所及宣撫、安撫、
長官諸司俱附見

永順宣慰司

南渭等羈縻州及
長官司俱附見

保靖宣慰司

五寨等長
官司附見

東距潯陽。

潯陽、今九江府。自黃蘄而下，則九江爲都會。

南連嶺嶠。

五嶺之在南境者凡三。一曰騎田嶺。五嶺從東第二嶺也。一名臘嶺。亦曰黃岑山。亦曰黃箱山。在郴州南三十六里。嶺高二十九里。周迴三百八十一里。一曰都龐嶺。五嶺從東第三嶺也。亦名永明嶺。在永州府道州永明縣北五十里。連亘羣山。高險殊絕。又名揭陽嶺。

一統志：桂陽州藍山縣南九十里。有黃蘄山。本名都龐山。與廣東連州分界。此爲五嶺之一。水經注

都龐嶺在南平縣界。藍山縣卽故南平也。此於五嶺東西之次似合。然永明在北。而江華在南。次第似亦無嫌。素誤。

一曰毗渚嶺。五嶺從東第四嶺也。亦名白芒嶺。在道州江

華縣西。水經注：萌渚嶠有萌渚之水出焉。其山多錫。亦謂之錫方。自騎田嶺而東。則爲大庾嶺。接廣東南雄府。江西南安府界。自毗渚嶺而西。則爲臨源嶺。接廣西桂林府界。橫絕南北。不啻千里。土風迥別。寒燠頓殊。秦王剪降百越。以謫戍五萬人守五嶺。誠天地之關隔矣。

五嶺詳見廣東北界。

西據三峽。

三峽起自四川夔州府奉節、巫山二縣之東。達於歸州、彝陵州之西。連山疊嶂。隱天蔽日。凡六七百里。